

'n Ondiens aan demokrasie

Daryl Swanepoel




Die sekerheid waarmee vele kommentators aanvoer dat die ANC op die punt van ondergang staan, herinner 'n mens aan Mark Twain se bekende woorde: "The reports of my death are greatly exaggerated." Myns insiens is die media-opskrifte wat dit uitbasuin dat die ANC binnekort die weelderige kantore in die Uniegebou sal moet ontruim erg oordrewe.

Of die ANC aan bewind bly of nie, is egter nie waaroor dit gaan nie. Van belang hier is die gevaar wat "aangedikte feite" vir demokrasie en die uiteindelijke aanvaarding van die verkiesingsuitslae as geloofwaardig inhou.

Ofskoon 'n deeglike studie van die data uit die meeste peilings daarop dui dat die ANC heel waarskynlik aan bewind sal bly, hetsy op sy eie of in koalisie met 'n kleiner party, word mediaverbruikers voortdurend wysgemaak dat die ANC se steun tot minder as 40% gedaal het en dat daar 'n werklike moontlikheid bestaan dat die huidige opposisie deur middel van die een of ander koalisieëling die leisels van die land sal orneem.

Die Inclusive Society Institute (ISI) se eie peiling, wat deur Ipsos onderneem is, is byvoorbeeld op dié manier in mediaopskrifte verdraai: Een koerant het ewe korदाat berig "ANC-steun kwyn tot 33%", hoewel 'n ontleiding van die ISI-data inderwaarheid op 'n uitslag van iewers tussen 48% en 52% vir die ANC op nasionale vlak dui.

Die verskil het onder meer te make met die toekening van die antwoorde "Weet nie" en "Wil nie



Die probleem is dat grootskaalse wanvoorstelling die publiek teësinig kan maak om die uiteindelijke verkiesingsuitslae as betroubaar en geloofwaardig te aanvaar.

Foto: ISTOCK

sê nie", en herberekeninge om voorsiening te maak vir die verskil tussen stemgeregtigde en geregistreerde kiesers sowel as verskillende verkiesingsdeelnamescenario's.

Jy wonder dalk: Maak dit dan regtig saak?

Die probleem is dat grootskaalse wanvoorstelling die publiek teësinig kan maak om die uiteindelijke verkiesingsuitslae as betroubaar en geloofwaardig te aanvaar. Sommige burgers wat in die maande voor die verkiesing gebombardeer

word met die boodskap dat die ANC ongetwyfeld in die hek sal duik, sal stellig die verkiesingsuitslae in twyfel trek indien die regerende party uiteindelik weer as wenner uit die stryd sou tree. En dit kan op sy beurt olie op die vuur wees vir diegene wat graag die geloofwaardigheid van instellings soos die Verkiesingskommissie (OVK) wil ondermyn. Party sal sê die verkiesing is gesteel, terwyl dit eintlik verdraaide peilings is wat tot verkeerde gevolgtrekkings gelei het.

Die geskiedenis is besaai met betreurenswaardige voorbeelde van oproer wanneer verkiesingsuitslae anders verloop as wat verwag is. Dit kan ons allermens bekostig of toelaat.

In afsondering beskou, is 'n mens dalk geneig om te dink verdraaide peilings is nie ons tyd en energie werd nie.

Dan hoor 'n mens egter van die Demokratiese Alliansie (DA) se onlangse oproep op buitelandse Westerse regerings om hulpbronne beskikbaar te stel vir parallelle kie-

ser-tabellering. En daarmee saam die waarskuwing dat 'n daling in ANC-steun tot onder 50% aansienlike risiko's inhou "omdat die regerende elite meer desperaat raak om in die aanloop tot die verkiesing kiesers se steun te behou" en "dalk bereid sal wees om hul eng politieke belange bo ons land se groter belange en ons kostbare grondwetlike waardes te stel".

Boonop dreig lede van die MK-party dat hulle die land onregeerbaar sal maak indien hulle nie hul sin kry nie.

Dit is presies waarom die verspreiders van inligting moet sorg dra om akkuraatheid, balans en konteks te verseker.

Vir die rekord: Geen nie-ANC-koalisie kan in hierdie stadium sonder die EFF gevorm word nie. En dit is uiters onwaarskynlik as 'n mens die veelbewoë geskiedenis van opposisiekoalisies in Gauteng en die diep ideologiese verskille tussen die opposisiepartye in gedagte hou.

'n Ander teoretiese konfigurasie is 'n grootse koalisie tussen die ANC en die DA of die Veelparty-handves, maar ook dit is hoogs onwaarskynlik omdat die Handves se boodskap juis om die uitskakeling van die ANC draai.

Natuurlik kan die partye se lot in die maande wat voorlê nog aansienlik verbeter of versleg namate hul veldtogte ontvou.

Laat dit dan so wees. Maar hul lot behoort te verander op grond van akkurate en eerlike berigging, en nie op grond van vals narratiewe nie. Want indien hul lot ten spyte van die vals narratiewe nie verander nie, bied dit vrugbare teelaarde vir onnodige oproer – iets wat ons reeds gekwelde land nie nou nodig het nie.

■ Swanepoel is die uitvoerende hoof van die Inclusive Society Institute.